

O D L U K A

o smanjenju kapitala radi pokrića akumuliranog gubitka

Član 1.

Osnovni kapital "EUROHAUS INVEST" Društvo za upravljanje fondovima d.o.o. Sarajevo, u iznosu od 716.197,00 KM (slovima: sedamstotinašesnaeststotinudevedesetsedam i 00/100 KM), smanjuje se za iznos od 516.197,00 KM (slovima: petstotinašesnaeststotinudevedesetsedam i 00/100 KM), radi pokrića akumuliranog gubitka ostvarenog u ranijem periodu. -----

Smanjenje u iznosu od 516.197,00 KM (slovima: petstotinašesnaeststotinudevedesetsedam i 00/100 KM), raspoređuje se na slijedeći način:-----

- Pokriva se ostvareni gubitak u 2009.godini koji iznosi **191.234,00 KM**;-----
- Pokriva se ostvareni gubitak u 2010.godini koji iznosi **163.702,00 KM**;-----
- Razlika u iznosu **161.261,00 KM** raspoređuje se u ostale rezerve Društva.-----

Član 2.

Osnovni kapital poslije smanjenja iznosi **200.000,00 KM** (slovima: dvjestotinehiljada i 00/100 KM).-----

Član 3.

Nakon provođenja zakonske procedure iz člana 358. i 359. Zakona o privrednim društvima FBiH, izvršiće se izmjene Statuta društva, kojim izmjenama će se precizirati vlasnička struktura i pojedinačni udjeli članova u Društvu, uslijed smanjenja kapitala Društva, te podnijeti prijava za upisa navedenih promjena kod Registra društava Općinskog suda u Sarajevu.-----

Član 4.

Ova Odluka stupa na snagu danom donošenja, a primjenjivaće se od dana upisa nastalih promjena u registru društava Općinskog suda u Sarajevu.-----

Član 5.

Troškovi i takse povezane za izmjene (naročito notarske i sudske troškove) snosi Društvo.-----

Član 6.

Za realizaciju ove Odluke i podnošenje prijave za upis promjena u registru društava Općinskog suda u Sarajevu, odgovoran je direktor Društva.-----

Član 7.

Stranka je saglasna da je notar Miloš P. Jovović ovlašten, ukoliko je to potrebno za provođenje u Registru privrednih društava, da ovu Odluku mijenja i /ili dopunjava, s tim da ne mijenja bitne odredbe ove Odluke. Ova odredba posebno podrazumijeva saglasan pristanak stranke i ovlaštenje notaru Milošu P. Jovoviću da po svim primjedbama i zahtjevima ovlaštenog registra ili drugih organa ovu Odluku mijenja i dopunjava ili ispravlja

pojedine odredbe koje suštinski ne mijenjaju pravnu prirodu ove Odluke, ali su nužne za potpunu realizaciju i provođenje ove notarski obrađene isprave.

Član 8.

Stranku je Notar upozorio na slijedeće:

- Da ova Odluka proizvodi pravne posljedice tek sa upisom u Registar društava Općinskog suda u Sarajevu,-
- Da Osnivači ne odgovaraju za obaveze Društva, osim u slučajevima navedenim u članu 6. Zakona o privrednim društvima,-
- **Da je ovu Odluku o smanjenju osnovnog kapitala društvo dužno dostaviti sudskom registru i objaviti u "Službenim novinama Federacije BiH";**
- **Da oglasom iz prethodnog stava, društvo obavještava povjericu da je spremno izmiriti obaveze ili za njih dati osiguranje;**
- Da je ovu Odluku potrebno dostaviti Komisiji za vrijednosne papire FBiH;
- Da je registru društva Općinskog suda u Sarajevu za provođenje ove Odluke, potrebno dostaviti Uvjerenje o činjenicama iz službene evidencije o izmirenim novčanim kaznama i troškovima prekršajnog postupka za Društvo i lica ovlaštena za zastupanje, te Porezna uvjerenja nadležne porezne uprave za Osnivače koji su pristupili Društvu;
- Da je ovo notarski obrađena isprava, koja u smislu čl. 4. Zakona o notarima (Sl. novine F BiH 45/02) ima punu dokaznu snagu javne isprave o izjavama datim pred notarima, sa svim pravnim posljedicama koje su tim Zakonom utvrđeni za takvu vrstu obrađenih isprava.

Član 9.

Ovom izvorniku su priloženi prilozi koji su stranci bili na uvidu, a stranka je izjavila da poznaje njihov sadržaj i da odustaje od obaveze čitanja.

Od ove notarski obrađene isprave dobijaju:

- Jedan otpravak Komisija za vrijednosne papire FBiH;
- Jedan otpravak za Društvo,
- Jedan otpravak za Registar društava Općinskog suda u Sarajevu.

Izvornik ove Odluke je stranci pročitao u cijelosti, Notar se neposrednim pitanjima uvjerio da sadržaj izvornika odgovara pravoj volji stranke, nakon čega je stranka izjavila da je u njemu sadržana njena prava volja i da je u znak odobravanja svojeručno potpisuje.

Predsjedavajući Skupštine Društva:

Dizdar Edin